

**Éire**  
(20230427)


I wlad yr hen gariadon - daw eiliad  
I weled afallon;  
I'n hwyliau, dau dros y don  
I harddwch ein Hiwerddon.



Gwawr a gwib i Gaergybi - a miri'n  
Morio dros y weilgi;  
Ciplun Dylun a dwli,  
Fel cyffur ein hantur ni!



Fferi i Ddinas Ffeiriau,  
Chwarae iach ar lan Loch Rí,  
Arwisg a-men *Ros Comóin*,  
A hedd y cnawd drwy fydd *Cnw*,  
Cyn holi'r heli'n yr *Helm*.



Gweld carneddau'r bryniau brith,  
Hen wydrach yn llawn lledrith.




Awn o *Glencar* i galon co' - hafod  
Am fyfyr sydd yno;  
Geiriau gras goger y gro:  
Egwyl 'da *Yeats* yn *Sligeach*.



Golygfa bu rhodfa'r wig  
Cipedrych ar *Craig Padrig*.




Awyr iach, tonau *Achill*,  
Traethau arian, marian mil.



I bydew yr hen newyn,  
Cân y gwae ar fryncyn gwyn.



Estyn draw i *Dun Briste*  
A dod ar draws navs y ne'.



Eto llywio lawr i'r llwch  
I *Doalgagh* a'i dawelwch.  
Dilyn awen heulwen ha',  
Cân y môr, *Connemara*.




Melys a moethus y min  
Ar daith hyd stryd o eithin.



Cael hoe ger tref *An Clochán*  
Cwt a mawn a'r *Quiet Man*.




Mynd i ganfod y meindwr  
A glwedda yn *Achadh na nIubhar*.



Daw *Baile Uí Bheacháin*, i'r de,  
Nefolaid *Cappabhaile*.



Ogofau'r oesau'n *Aill Bhu*'n  
Yn barod am y *Boirrin*!



Dewrder, breider *Poll na Brón*,  
Hynoded ei atgofion.



Yn llawn swyn ger clogwyn *Chláir*  
Mae ewin tonau *Mhothair*.



Haner awr i lawr y lôn,  
Tamaid yn *Inis Diomáin*.




Yn awr i *Cill Fhionnúrach*  
I weld cerflun o'r Dyn Da.  
Yn y ffald ar bwys y ffin  
Gerllaw, Croes y Gorllewin.




Naws gwlad 'di *Bun na Raite*,  
Munud am fywyd a fu.




Yn y gwyrdd, hyd y ffyrdd ffeil  
Yn ceisio castell *Caiseal*.




O'r teithiau, oriau hirion,  
Ymrhyddhau ar lanau'r *Leamhain*.




Uwch y bae, pen cae, *cathair*.



Llwydni meini *An Dun Mor*.



Naws hiraethus *Ceann Sratha*.



Ysgogiad eiliad dwylan  
I ranu o hoen *Breannain*.



O galon cwm y *Glencar*  
Yn chwenych y bwlch anwar!



Egwyl ger hengaer *Stéige*,  
Swyn niwl, rhywle is y ne'



I seintwar goruwch arial,  
I greigiau hin, *Cathair Gheal*.



Celwn goger *An Caladh*,  
Amhris dewis coffi da!



Daw anel uwch a'r *Dún Láich*,  
Gris ar ol gris o groeso!



Antur fawr *Mhuintir Bhaile*  
Dim ond *Affrica* i'r del!



Dygnawd ffawd byw ar y ffin,  
*Dún na Séad* a dawns Odín.



Betws ger yr abaty,  
Llawr a chlychau'r gog yn llú.



Yn nuwch a gwarth newyn  
Gweler breuder, dewrder dyn.



Alawen o'r gorffennol,  
Awyr iach yn mhentre *Eochail*.



Crwydr diddos y *Preziosa*  
Cyda'r awel yn hel ha'!  
A oes syniad yn swyno  
Fel cyfarfod cychod *Cobh*?



Awr padera yn *Iorpw*  
Ffeyries o hanes yw hwn.



Heidio lan i *Gleann Dá Loch*  
Am orig unig yno.



Cil y sant yw *Cil Wantan*,  
Dirgel awr ger y dŵr glân.

O harddwch ein Hiwerddon - am Walia  
À mil o atgofion;  
Gefeilles ag Afallon  
Tir y dâr tu hwnt i'r don.

(Wedi rhoi cynig ar anghaniad

Cymraeg i rhai o'r llefydd y buom. (Onod iawn oedd, â llawer o dafodieithoedd gwahanol.

Laugh Ree = Loch Rí = Loch Rí; Roscommon = Ros Comáin = Ros Comóin; Knock = Cnoc = Cnw; C

Westport = Cathair na Mart = Dinas Ffeiriau; Clifden = An Clochán = An Clohân; Burren = Boirrin =

Bwren; cathair = câher; Brandan = Breannain = Bre Nan; Portmagee = An Caladh = Cala; Sheep's

Head = Mhuintir Bhaile = Mwintir Fáre ("Pobol y brenin"); Baltimore = Dún na Séad = Dwn na Séd;

Youghall = *Eochail* = lô; Glendalough = *Gleann Dá Loch* = Glen Da Lo; Sligo = *Sligeach* = Sleigo;

Aughnanure = *Achadh na nIubhar* = Ochnanúr; Aill Wee = *Aill Bhu*' = Ail Wi; Moher = *Mhothair* =

Mohyr; Clare = *Chláir* = Clér; Ennistimon = *Inis Diomáin* = Enlistimon; Kilfenora = *Cill Fhionnúrach* =

Cliffenora; Bunratty = Bun na Raite = Bwnrati; Cashes = Caiseal = Cásel; Laune = Leamhain = Loen)

**Blaguro**  
(20230427)



Ochor draw i godi'r awen - man gwyn,  
Man egino'r arlen;  
Cwrlid cnwd y brwd ar bren,  
Hir oes i llw'r geiriosen.

**YrHenDroseddwrHyf**  
(20230426)



Awr dehori y dewrach - dant y llew  
Dönt â llw gwerinach;  
Y crych ymhlith y crachach  
Yw gloywder y border bach

(Pawb ar y cyfryngau'n canmol DYLLI)

**DoedAddelo**  
(20230425)

Gwewyr a ddaeth i'th guro - wedi'r traw  
Dewr yw trio, eto;  
Dod i'r "pam?" a'r cam o'r co':  
O'r golled, gwawr i gallio.


**3-1**  
(20230424)



Yn berygl, poen i Boreham oedd y miloedd  
Â'u Mullin. Cans trychlam  
Taith llú i Cymru ar gam  
I'w rhacso gan wŷr Wrecsam!

(Paul Mullin yn arwain Wrecsam yn ol i'r Cynghrair Peldroed.)

**BB**  
(20230422)



Bri noeth cleber unieithog: *bric-a-brac*  
O *Brecon* undonog!  
Egin gwlatgar gyda'r gog  
O'r chwyn, BANAU BRYCHEINIOG.

(Darllen yr adwaith i erthygl gan Rhiannon Lucy Cosslet yn y Guardian.)

**Oosterdok**  
(20230419)



Tyrd 'nawr â gwên ar drên, ar dram i'r hwyl  
Ger yr IJ ar garlam;  
Tyrd i lys brys gwŷr brasgam,  
Tyrd i weld tref Amsterdam.

(Yn Amsterdam am y tro cyntaf ers cyn COVID. Yr IJ yw enw bae Amsterdam, sef y dŵr mawr yn y

**GerYDŵr**  
(20230418)






Ymryson gwirion y gored - a'n gwaedd  
O "en garde" i'w glywed;  
Rhull awch am greigiau i'lyched  
A chwant am loniant ar led!

("Mynd am antur" gyda K, Ch a D ddydd Sul.)

## Epilog

(20230415)



Anrhydedd hwyrrol weddi - i ddeall  
Am ddiwedd dy stori;  
Deg muned i gymonï'r  
Hanes yw braint d'henaint di.

## Cartrefle

(20230414)



Teimlaf naratif y liffo'n gori  
'R un geiriau'n fy nghalon;  
Hiraeth arwar llafar llon  
Nefoedd ger y ddwy afon.

(Yng Nghwm Tawe, yn eistedd ger cydlifiad y Tawe a'r Twrch, Culhwch ac Olwen yn cwrso o'm mlaen, a'r byd yn ei le.)

## ArColl

(20230409)

Gwirion dynion er eu dawn a'u synwyr  
Am arlwy'r ffrwd lrlawn;  
Er y rhoddir i'r unlaewn  
Bedd yn wag, boddi a wnawn!

## Bore'rTrydyddBydd

(20230409)

Dyma wers un dyn dinag; er oeri  
Drwy wendid ariandag,  
Daw'r oen o'i boen beth ywag;  
Bydd yn iawn, mae'r bedd yn wag.

## Fiesta!

(20230408)



Gwenog lais a'i gân a glywsoch - o'i liw,  
Ei lewyrch a welsoch;  
O'i weled, siwr fe gredsoch  
Taw 'nghymar yw'r car bach coch.

(Y brawd yn sgleinio pen bore 'ma.)

## BywydNewydd

(20230407)



Bala hoen o fywyd blin ger traethau  
Eisiau duwdod iesin;  
Orig uwch o fara, gwin  
A ffrydiau'r anghyffredin.

Rhad oleuad, halelivia'r ogof  
Ar agor, cymanfa  
Wylo dwys y Bugail Da,  
Olaf orig California.

Yn y baw er profi'r byd - er y gwawd,  
Ar godi mae'r ysbryd;  
Gweld o grwydro credo'r crud  
Bod 'na fwy, bod 'na fywyd.

(Gobaith.)

## YrApêl

(20230407)



Dathlu sail bendithiol sêl i noddï'r  
Heddwch dros y gorwel;  
O law i law yn dawel,  
Llofnodion dwys, pwys Apêl.

(Hanes Apêl 1923 ar y newyddion.)

## Danodd


(20230404)

Daw cysur rhag dolur drwy'r dydd? - ai gwg  
Tra'r GIG yw'r blaenrybudd?  
Yfuddhau i'r costau cudd  
'Di danto ffeindio deintydd!

(Anghytuno â gorfod talu am ddeintydd wedi talu Yswiriant Gwladol am oes, â deintydd Rhuthun yn gadael y GIG.)

## 2-3

(20230403)




Yn y fantol, ffwtbol a ffydd - lluniaeth,  
Llawenydd a chystudd  
A nef y dioddefydd;  
Caru Duw, maeddu Caerdydd!

(Y Swans yn maeddu Caerdydd am y pedwerydd tro yn olynol!)

## YrHenFfrind

(20230328)



Hirlwm, â'r peswch yn erlid y gwan  
A'i gorff i gyfyngdïd;  
A phail y cyfaill COVID  
Yw'r dolur sy'n lledu'r llid.

(Ï â'r feirws wythnos diwethaf, minau â fe ers y penwythnos, a K wedi cael prawf positif heddi'. E & R wedi'i ddal e hefyd.)

## Creulondeb

(20230319)



Aflan, dieflig bropropaganda - torwyd  
Tosturi gan ddogma;  
Cyru dyn, y drwg a'r da  
Drwy wendid i Rwanda.

(Cywilydd ar y "llywodraeth" Doriaidd yn Llundain. Mae'r polisi yn hollol anfaddeuol. Dengys y llun gamp "gelyn-estroniad" yn Huyton, Lerpwl, yn 1940.)

## le?Nage?


(20230318)

Cyfarfod â'r dyfodol yw dy chwant,  
Ffyniant nid gorffennol;  
Ond Phil, Phil paid bod yn ffol  
Meddai awen ymddeol!

(Lled-ymddeoliad yn agoshau!)

## URYbnika

(20230318)




Difyrwrch pob diferyn - taweled  
Dy alaw, fel emyn  
Nef fy nef yn y fan hyn  
O loydwid cwrild corlyn.

(Yn eistedd ger pwll y pentref. Nefoedd.)

## Gwynfyd?

(20230317)



I dyrfa'r ffars diderfyn - nudd eofn  
O dduwch sy'n perthyn;  
Mae hawl cael popeth melyn  
Ond gwarth, gwarth yw bywyd gwyn.

(Eisteddfod Llangollen yn penderfynu bod "byd gwyn" yn hiliol. Gwyn eu byd!)

## Jasan

(20230317)




Mwydro wyf, un mud ar wahan am gam  
I goed goger Skřivaň;  
Trôi o ludd y dydd a'i dân  
A'r drys, i'grud yr *jasan*.

(Bore BENDIGEDIG, rhedeg o *Skřivaň* drwy'r berllan lawr i'r goedwig a'r *potok*, draw drwy *Novosedly*, lan i'r fainc i edrych dros *Hracholusky*, draw at yr onen (yr *jasan*) a'r olygfa, lawr i *Valachov* a'r cwm eto, a nol heibio'r *chalupy*. A dyma ymdrech trosiad český:

*Jsem zkroutcený, ztlumený od sebe na krok  
Ke skřivaňským stromům;  
Odvracím se od slabosti dne, jeho ohně  
A zmatku, do kolébky jasaný.)*

## Seliwloid

(20230316)



Anabledd gwerin boblach - crescendo'r  
Eco trugarocach;  
Acre uwch brwydrau'r crachach:  
Gwir wyneb oes ar sgrîn bach.

(Gwylïo ffilmiau gwych dibendraw gyda V. gyda'r nos yn y bwthyn.)

## Pohoda

(20230315)




Yn y wlad, hawl i oedi - hedd a haul  
A rhyddhad o'm ffwbrï;  
Unig annodd o grwmni  
Yw fy nef ve *Skřivani*.

(Diwrnod o wylïau yn y bwthyn yn *Skřivaň*. Ystyr *pohoda* yw "bodlondeb" neu debyg.)

## DalawnGary

(20230311-12)



Trawdd actau Torlaidd ddicter â ffawd  
Ffoadur yn ofer;  
Ond ffawd brawd yw eu breuderi!  
Cans 'hawr, cawr yw Lineker!


Ystyriwch, gwên tosturi yw tro dewr  
Trydariad haelioni,  
Haul gras diamheuol gri  
Am y gwir, 'does amau "Gary"!

Cnafod cyfrwys a'u haffwysedd ffroenuchel,  
Rhaid hel o'u hanhaeledd  
Ol y groes uwch loes a chledd,  
Tor gwawr neges trugaredd.

(Gary Lineker yn cael ei gosbi gan y BBC - ond ei edmygu'n fawr gen i - am ddweud yr hyn sy'n amlwg yn ol y Cenhedloedd Unedig. Dyma eiriau George Orwell: "If liberty means anything at all it means the right to tell people what they do not want to hear.")

## Ffoi'rPogrom

(20230310)



Pech ffnaticaiddd ffaidd ffol - a nos  
Ashcenasim briol;  
Dyma'r hewl â dim ar ol  
Ond gormwyth tylwyth Topol.

(Erthygl yn y Guardian am arwyddocad y ffilm "Fiddler on the Roof" a chymeriad Tevey, chwaraewydd gan Topol, yn arbenig.)

## Poe

(20230310)



Aw'n i graidd Edgaraidd go' - wrth ei fodd  
Â'i rith-feddwil heno;  
Ag offrw'n nos o gyffro  
Daw rhyfeddod parod Poe.

(Mynd i theatr Nová Scéna i weld rhywbeth rhwng drama a "ballet" am waith Edgar Allan Poe. Mewn un rhan doniol dros ben, mae Poe yn siarad gyda'i "psyche".)

## Betlémská kaple

(20230308)



Hafod o ddogma ofaidd - a berw  
Bore amhabydddaidd;  
Os am ias teg ras yn graidd,  
Dewised credo Hwsaidd.

(Ymweld â Chapel Bethlehem yn Prag lle bu Jan Hus yn gwasanaethu a phregethu fel protestant tua 1400, canrif cyn dyddiau Martin Luther. Mae'r llun o waith Alfons Mucha. Arwyddair yr Eglwys Forafaidd yw: "Mewn hanfodion, undod; mewn pethau nad ydynt yn hanfodol, rhyddid; ac yn mhob peth, cariad". Anodd meddwl am ysgogiad gwel!)

## CwantwmDdarwinaeth

(20230308)

Ol maes heriol mesuriad - er rhanu  
Darwinaidd datgeliad;  
Ym mer ton-ffwythianau mad  
Ceir dy le'n y cydlyniad.

(Darllen eto am gwantwm-Ddarwinaeth, sy'n enyng un modd i esbonio sut mae arsylwadau o sistem sy'n sylfaenol gwantymaidd eu natur, yn tueddiu at arsylwadau ffiseg glasurol wrth i faint y sistem dyfu. Cyfroeddiad (*entanglement*) a chydlynedd cwantwm (*quantum coherence*) sy'n gyfrifol yn ol y gwybodusrion!)

## EgniTywyll

(20230305)

Pa rwdlan, pa ddamcan, pa ddull - etyb  
Y data sy'n ddistyll?  
Cyfiawnhad gwead y gwyll  
Hud heuad egni tywyll.

(Darllen erthygl wych ar *Medium* yn esbonio'r ddadi gref dros fodolaeth egni tywyll (*dark energy*) sy'n honedig yn esbonio tua 75% o egni'r bydysawd. Ond nid oes modd ei weld na'i fesur yn uniongyrchol, sy'n gadael posibilrwydd bod modd newid y maths i esbonio'r un data heb angen egni tywyll.)

## Sbwci

(20230304)




Cyfryd wawdd cyfroeddiad - llyw anwel  
Pellenig gysylltiad;  
Cwpled anleolediad  
'W'r difesur eglurhad.

(Darllen eto am gyfroeddiad (*entanglement*), lle na ellir disgrifio cyflwr gronynau unigol, ond medrir disgrifio cyflwr anleoedig (*non-localised*) pâr neu fwy o ronynau. Einstein dywedodd nad oedd yn credu mewn "gweithredu sbwci o bellter", sef yr hyn mae cyfroeddiad yn ei awgrymu i rhai.)

## DyddGwylDewi?

(20230301)




Anoleithog pylog apêl yw drwg  
Draig anela'n isel;  
Ein hendid a'n gwrid yn gél  
Â Dewi'n od o dawel.

(Dim baneri ar y stryd fawr, ond baneri newudd gartref.)

## Gogleddwawl

(20230228)




Hwn yw Duw a dafia dis yn nirgel  
Nos dawel et dewis  
Eiliad am brofiad uwch bris  
O'r haul, gwên borealis.

(Yng Nghaerhirfryn dros nos, a gwyd rhyw iaw'r i'r gogledd, ond anodd gwybod os taw'r gogleddwawl oedd. Llif o electronau a photonau o'r haul yn cael eu denu tuagat pegwn magnetiaidd gogledd y ddaear, yn taro i mewn i foleculau ocsigen a neutrogen, yn datgysylltu'r atomau a'u cynhyrfu a'u heioneiddio. Achosir y lliwiau nodweddiadol gan atomau ocsigen (gwyrdd ac orenogoch) a neutrogen (glas a choch) yn adenïol electron, neu gan gyflyrau cynhyrffedig yn ymlacio.)

## GweithredyddionAnghymudol

(20230226)



Ffwrdaef o bendraphendod Heisenberg  
A swyn Bohr am wirfod;  
O ddysg anhafaledd ôd  
Wynebaif sail anwybod.

(Yr egwyddor anicrwydd, daw o'r ffaith nad yw gweithredyddion - fel lleoliad a momentwm, neu egni ac amser - yn cymudo â'i gilydd.)

## Cysylltu


(20230225)

Ti 'di hwy! hel tudalen - arhoswn  
I'r broses gael goffenn;  
Ond poen, poen rhyw VPN  
I ddiawl dilynâ'r ddolen!

(Helpu T. Erw Goch i gysylltu â TEAMS. Roedd trafferth gyda'r VPN.)

## CathSchrödinger

(20230225)



Y sawl a wna arsylwad - daw i weld  
Penodoldeb cread;  
Fel lôn yw hwn, cyflawnhad  
Chwala ôl uwch-leoliad.

(Canlyniad damcaniaeth cwantwm yw bod pawb a phopeth yn bodoli mewn uwch-leoliad (*superposition*) ansicr tan i rhyw *fod ymwybodol* wneud arsylwad. Golyga hyn y gallwn fod yn fyw ac yn farw ar yr un pryd. Cyn dioded yw deall dyn.)

## LlynYFan

(20230221)





Lloni o fod ger Llyn y Fan - gweld dim  
Â gwawlt tarth ym mhobman;  
Ond arwy haul daw i'r lan  
I herio'r c'mylau arian.

(Cerdded i Lyn y Fan gyda T, haul bendigedig uwch y cymylau, a gweld "enfys wen" am y tro cyntaf.)

**YTipiau**  
(20230220)

Ar droed i'r postyn ochr draw ar fin  
Yr afonog alaw;  
Ar y cyd o'r byd drwy'r baw  
I dystio'r pethau distaw.

(Cerdded gyda T ar hyd "y tipiau" - sef llwybr coediog ond lleidiog ger y Tawe erbyn hyn - at y "postyn ochr hyn a'r postyn ochr draw", wedi gwneud yr un wâc ganoedd o weithiau gyda dad a'r ci oesoedd maith yn oll)


**Cymharu**  
(20230219)

$$u_i^{n+1} = u_i^n - \Delta t \left[ a^+ u_x^- + a^- u_x^+ \right]$$

Caf olau teg hafaliad a'i wiredd  
Differol er dwad  
I'r afael â chyfrifiad;  
Nefoedd yw hwn o fodddhad!

(Defnyddio canlyniadau cyfiwr sefydlog i wirio cyfrifiad rhifiadol ansefydlog, a phopeth yn gweithio yn y pen draw!)

**Llundain**  
(20230217)




Testament i dalent dyn - tafodau  
Â'u geiriau'n creu gworun  
Dinas wiu'n llawn lliw a llun  
A duwdeb dyfodadun.

Cronbil nwyd y llwyd eu llun - trachwant  
A gwariant a gworun  
Pair ysiad anghredadun,  
Llwyfan sarug diffyg dyn.


(Mynd eto i'r Blgsmôc, a joio mwy nag arfer, mae'n debyg am fy mod i'n cymryd pethau ychydig yn fwy ara' deg! Ond mae ychydig ddiwrnodau yno'n ddigon!)

**PenblwyddRhif2**  
(20230213)



Daw awr am ddathliad eirian er rhanu  
Anrhegion y bychan;  
Blwyddyn mwy, dwy ydd Dyfan  
Dirioned, gwyned ei gân!


**Gorthrwm**  
(20230212)



Tro hiraeth ger Tryweryn - aer boddi'n  
Creu beddau drwy'r dyffryn;  
Ol cawlach Capel Celyn?  
Dwli'r lle a diawlio'r llyn.

(Mynd heibio'r gofeb 'ddoe â theimladau cymysg, Tirlun bendigedig, ond creithiau a sgil-effeithiau Tryweryn a Thrawsfynydd yn amlwg i bawb.)

**YrArenigFawr**  
(29230212)



Yn rhugl i Foel yr Eglwys a rhiniau'r  
Arenig hyfrdiwys;  
Cwpla ar ben copa mae'n cwys  
Er oedi ym mharadwys.

(Cerdded 'da R. a T. i lyn Arenig Fawr o lan Lyn Celyn, ac wedyn lan i Foel Yr Eglwys, â golygfeydd hyfryd o Drawsfinydd, Porthmadog a Phwllheli.)

**Dadfeilio**  
(rhd230210)

Gwae yw rhodd ein "gwareiddiad", ac afraid  
Wallgotrwydd "datblygiad"  
Ar heol i ddirywiad  
Â surni am gloffn gwlad.

(I, yn gwyllo *QuestionTime* neithiwr. Mae safon y drafodaeth gyffredinol ym Mhyrdain mor isel, fel petai bod dirywiad cymdeithas i'w weld yn digwydd o flaen ein llygaid.)

**AD**  
(20230208)

$$\frac{\partial c}{\partial t} + \nabla \cdot (-D \nabla c + \mathbf{v} c) = R$$

Modfeddau, eiliadau tryledol - rhediad  
O ffrydiau llorfuldol;  
Creu cyfrif o lif di-ol  
Yw medr y cyfaint meidrol.

(Datrys hafaliad llorfuldiant - trylediad, sef *advection-diffusion*, AD.)

**AmrywiantAsymptotig**  
(20230207)

$$\hat{\theta}_N \rightarrow^d \mathcal{N}(\theta_0, \mathcal{I}_N(\theta_0)^{-1})$$

Ysgogiad dysg mathematig - arfer  
Â therfan ganolig  
Rhydd tebygoliaethol frig  
At ateb asymptotig!

(Y ffordd i feintio! ansicrwydd o amcangyfrifon tebygoliaeth fwyaf, sef *maximum likelihood*, pan fod y sampl yn fawr!)

**CaeaDyBenAChyfrifa!**  
(20230206)

$$\frac{\partial \psi(\mathbf{r}, t)}{\partial t} = -\frac{\hbar^2}{2m} \nabla^2 \psi(\mathbf{r}, t) + V(\mathbf{r}) \psi(\mathbf{r}, t)$$

Drysi ar faths di-rheswm yn cynal  
Dmascaniaeth sy'n rhigwm?  
Endid haprwydd, llied y llwm:  
Cei hynt dirgelwch cwantwm.

(Darllen eto am ddamcaniaeth cwantwm, a bod neb wir yn deall beth mae'n meddwl.)

**WyYiWyYiYi?**  
(20230204)

Un gwefr bu dechrau Chwefror - dal alaw  
*Deleila* yn agor  
At ias y gêm, a chwant sgôr:  
Ni chlywi'r rhegi rhagor!

Ar hyd nos ysbrydion isel - gwerthoedd  
Gwarthus sgandal dawel;  
Gwaeddwn dros faeddu Gwyddel  
I leddfu cryd byd y bêl!

(Gwahardd canu *Deleila* a sgandal bwlio ayyb.)

**MasalaZone**  
(20230202)

Os mynd, da mynd am Indi-ans a hwy!  
Masala amdan!i!  
Dihafal blât o *thali*  
Yn lawnder i d'wylder di!

(Wedi blino'n lân, ag awydd noson dawel, ond cytuno mynd 'da rhai o ffrindiau gwaith am gyri yn y *Masala Zone* yn *Covent Garden*, a joio! Yng Nghwm Tawe mae gwilyder hefyd yn meddwl "chwant bwyd".)

**Avanti**  
(20230130)



Hud olwyniad sy'n atsein - ar wincad  
O Runcorn yn gelwain;  
Clud yw'r cwys hyd cledrau cain:  
Handi serch mynd i Lundain!

(Mynd i Lundain ar y tren.)

**Garn dolbenmain**  
(20230129)

Nesáu 'rwyf at Nasareth - awr antur  
I hwntw mewn penbleth!  
Fely dur, mor bur siwd beth  
Â chanllaw i Fachynlleth!

(Mynd o Fenllech i gyngerrdd côr ym Machynlleth. Mynd ar ffordd ddieithr o Gaernarfon i Borthmadog a Dolgellau. Diolch byth am satnafi!)

**YDraffordd**  
(20230127)

Lledrith wrth droelli adre - chwildroad  
Hafaliad a folech  
Yn foddion, cyfarfydddech  
Theorem chwaeth yr M6.

(Dod nol o Gaerhiffryn.)

**IaithYCsair**  
(20230122)

Hin hwyrnos a iaith y siwrne'n gân llosg  
O genillysg Llangollen;  
'Mhen ryw awr, tinc daw o'r De'n  
Neges oer hen gyseren.

(Iaith y tywydd yn newid wrth fynd lawr i Gwm Tawe.)

**Llwydrhew**  
(20230121)

Noson galed fu, cyn ddued - a'nawr  
Cân y wawr cyn oered;  
Ym mhau golau mae gweled  
Siew llain o lwydrew ar led.

(Rhew'in galed neithiwr, a'r anwyd yn diflanu o'r diweddi; cyfle cyntaf i redeg ers pythefnos!)

**Eira!**  
(20230117)

Ysblander, pleser y plu - fel seintwar,  
Gwymp cyfnar cyn cwnu;  
Gwyn ydyw byd 'di gânau,  
Urddas dros y diflas, du.

Daw duwdod â dyddod'i'n y pluo  
Gan nwyfo cynefin;  
Daw'r eira wedi'r oeri'n  
Wyrth trawsfurfiad, profiad prin.

(Eira dros nos, a mwy heddi.)

**ApêlAmYPolyn!**  
(20230116)



Hynod argoel o'r dirgel - hen loffion  
O gyrlon y gorwel;  
Hanes hywyr Llansawel  
Cofnod parod eu hapêl!

(Dod o hyd i dystiolaeth, o ddilyn ymchwil D&E, taw fy hen hen dadcu (Thomas J 1825-1881, wedi ei gladdu ar y Craig Arw / Pantteg) symudodd i Gwm Tawe o Lansawel, Sir Gâr, a sicrwydd taw hen x3 dadcu oedd Joseph J (1786-1854), cigydd yn Llansawel ar hyd ei oes. Awgryma hyn taw Daniel J (?-1794), y mae ei fedd hefyd o hyd i'w gweld yn Llansawel, oedd fy hen x4 dadcu, efallai!)

**Diwlŷcs**  
(20230108)



Melyn elff i'r dim yno - a diben  
Mor llawen yw lliwio'r  
Oriau tēr o'r llawr i'r to;  
Dros y bont, dyrys beintio!

(Peintio ystafell ym Menllech, a malu cwpwrdd â drysau mawr gwydr ych a fil A dal anwyd wrth D.I.)

**YDoethion**  
(20230107)

Aur y nef mewn seren noeth, nos â moes  
Thus a myr gwŷr hygoeth;  
Coflwn neges eu cyfoeth  
Wrth dderbyn y tri dyn doeth.

(Y gwŷr doeth yn ymweld ar y 6ed, yn ôl traddodiad.)

**Wedi'rWyl**  
(20230106)

Cilia awch cân y clychau - dyddiau prid  
Oedi ychheadu;  
Ol gwên a hwyl yn gwanhau  
O lwydo'r goleuadau.

(Atgofion y Nadolig yn diflanu'n ara' deg.)

**Dim?**  
(20230101)



Dameg, sen, daw megis sim-iwdddiad  
A lwyddodd i godi  
Mater, ond trallod nodi  
Mai'r twll yn llun dyn yw "dim".

(Darllen erthygl ar sut mae ffisegydd yn dehongli "dim". Mae'r rhan fwyaf o ddehongliadau yn dibynu ar "fodolaeth" trefn fathemategol damcaniaeth cwantwm neu debyg. Ond y dim "pur" yw "dim Plato", lle nad oes hyd yn oed trefn fathemategol yn bodoli. Mae'r dim hwn tuhwnt i amgylfred y gwyddonydd. Sut daeth y drefn fathemategol "i fod" yn y lle cyntaf? A sut yn y byd y mae'n bosib bod dyn yn gallu dehongli'r byd o gwbl? )